

Viðmiðunarreglur um tvöfalt kjördæmaþing vegna borgarstjórnarkosninga.

I. kafli.

Kjördagur.

1. gr. Kjördæmaþing ákveður hvenær tvöfalt kjördæmaþing skuli fara fram og skal það boðað með a.m.k. 25 daga fyrirvara.

II. kafli.

Kosningarréttur og kjörgengi.

2. gr. Rétt til atkvæðagreiðslu á tvöföldu kjördæmaþingi eiga flokksbundnir framsóknarmenn í framsóknarfélögum í kjördæmunum og með lögheimili í kjördæmunum, þ.m.t. þeir sem skilað hafa inn inngöngubeiðnum í Framsóknarflokkinn 30 dögum fyrir tvöfalda kjördæmaþingið, hafi greitt þinggjald til að standa straum af kostnaði við framkvæmd kosninga og séu fulltrúar með eftirtöldum hætti:

(a) Einn fulltrúi fyrir hverja byrjaða 5 félagsmenn hvers aðildarfélags í kjördæmunum.

Jafnmargir varamenn skulu kjörnir. Fulltrúafjöldi miðast við félagafjölda eins og hann er staðfestur af skrifstofu Framsóknarflokksins 30 dögum fyrir tvöfalda kjördæmaþingið.

Val fulltrúa skal fara fram á aðal- eða félagsfundi aðildarfélaga að viðhafðri hlutfallskosningu.

(b) Formenn aðildarfélaga í kjördæmunum.

(c) Aðal- og varamenn í stjórn hlutaðeigandi kjördæmasambands.

(d) Aðalmenn í miðstjórn Framsóknarflokksins sem eiga lögheimili í kjördæmunum.

3. gr. Frambjóðendur á tvöfalda kjördæmaþinginu geta þeir einir orðið sem eru félagar í Framsóknarflokknum og hafa kjörgengi til sveitarstjórnar, þ.m.t. þeir sem skilað hafa inn inngöngubeiðnum í Framsóknarflokkinn 30 dögum fyrir tvöfalda kjördæmaþingið og hafa náð 18 ára aldri á kjördag til sveitarstjórnar, samkvæmt í búaskrá þjóðskrár.

III. kafli.

Kjörskrá.

4. gr. Skrifstofa Framsóknarflokksins gerir kjörskrá þar sem fram kemur nafn, kennitala og lögheimili.

5. gr. Kjörbréf aðildarfélaga skulu hafa borist kjörstjórn 15 dögum fyrir tvöfalda kjördæmaþingið.

Varamenn koma inn fyrir aðalmenn í kjörinni röð, samkvæmt kjörbréfi.

24 klukkustundum fyrir setningu þings skal tilkynna til kjörstjórnar varamenn og fyrir hverja þeir koma.

6. gr. Skrifstofa Framsóknarflokksins gerir skrá vegna tvöfalda kjördæmaþingsins, með símanúmerum og mun afhenda frambjóðendum, sem þess óska, eitt eintak af henni í excel-formi. Afhending er gegn greiðslu á kostnaði við gerð skrár á hvern frambjóðanda.

7. gr. Frambjóðanda er heimilt að senda framboðskynningu á sér á netfangaskrá Framsóknarflokksins í kjördæmunum í eitt skipti. SMS-sendingar eru heimilar í eitt skipti svo og afhending á límmiðasetti til útsendingar í eitt skipti.

8. gr. Skrifstofa Framsóknarflokksins sér um útsendingu á netföng, á SMS-sendingum og afhendingu límmiðasetts gegn greiðslu á kostnaði.

9. gr. Fylgt skal ákvæðum laga um persónuvernd og meðferð persónuupplýsinga.

IV. kafli.

Kjörstjórn.

10. gr. Kjördæmaþing kýs 7 manna kjörstjórn til eins árs í senn.

Kjósa skal formann sérstaklega. Kjörstjórnin skiptir með sér verkum að öðru leyti.

Stjórn kjördæmasambands setur kjörstjórn erindisbréf.

11. gr. Kjörstjórn skal undirbúa og annast framkvæmd tvöfalda kjördæmaþings.

Kjörstjórn skal halda gerðabók og bóka viðtöku framboða, afgreiðslu þeirra, útsendingu og viðtöku kjörseðla og bréfa, hvers konar úrskurði, talningu atkvæða, úrslit kosninga og annað þess háttar er máli skiptir við framkvæmd kosningarinnar á tvöfalda kjördæmaþinginu.

V. kafli.

Framboð, framboðsfrestur, umboðsmenn og auglýsing.

12. gr. Kjörstjórn skal auglýsa eftir frambjóðendum til þátttöku á tvöfalda kjördæmaþinginu.

13. gr. Framboðsfrestur skal vera minnst 7 sólarhringar.

14. gr. Framboðstilkynningu skal skilað til kjörstjórnar eigi síðar en kl. 12 á hádegis 15 dögum fyrir tvöfalda kjördæmaþingið.

Í framboðstilkynningu skulu frambjóðendur gefa kost á sér í ákveðin sæti, eitt eða fleiri, þegar þeir tilkynna um framboð sitt.

Með framboðstilkynningu skal hver frambjóðandi skila að hámarki 400 orða texta á rafrænu formi þar sem frambjóðandi kynnir sjálfan sig og greinir frá helstu baráttumálum sínum, ásamt einni mynd af frambjóðanda á rafrænu formi sem er að lágmarki 1 MB (megabyte) að stærð.

Með framboðstilkynningu skal fylgja meðmælendalisti með að lágmarki 10 og að hámarki með 20 flokksbundnum framsóknarmönnum.

15. gr. Kjörstjórn gefur út kynningarrit um frambjóðendur og skipuleggur kynningarfundir með frambjóðendum fyrir tvöfalda kjördæmaþingið.

16. gr. Hverjum frambjóðenda er heimilt að skipa sér umboðsmann til þess að gæta réttar og hagsmuna framboðsins.

17. gr. Framboð er ekki endanlega staðfest fyrr en kjörstjórn hefur staðfest kjörgengi frambjóðanda, meðmælendalista og fyrir liggi staðfesting á skilum til Ríkisendurskoðunar í þeim tilfellum sem það á við.

Kjörstjórn hefur heimild til að hafna frambjóðanda ef gildar ástæður eru fyrir og skulu þær rökstuddar skriflega.

Kjörstjórn er jafnframt heimilt ef ástæða þykir til að bæta við frambjóðendum að fengnu samþykki þeirra.

18. gr. Frambjóðendur skulu reka áróður fyrir framboði sínu í eigin nafni, en ekki í nafni Framsóknarflokksins.

19. gr. Frambjóðendur bera einir ábyrgð á sinni kosningabaráttu. Þeim ber að gæta þess að þeir sjálfir, eða þeir sem starfa í þeirra umboði, gæti þess að hlíta í hvívetna landslögum sem og lögum og siðareglum Framsóknarflokksins.

20. gr. Komi aðeins eitt framboð í eitthvert sæti, er sjálfkjörið í það.

21. gr. Frambjóðendur skulu undirrita yfirlýsingu þess efnis að þeir hafi kynnt sér þessar reglur og muni fara eftir þeim.

22. gr. Kjörstjórn skal birta tilkynningu um tvöfalda kjördæmaþingið með viðeigandi hætti.

Tilkynningu þessa skal birta með hæfilegum fyrirvara fyrir tvöfalda kjördæmaþingið.

VI. kafli.

Kjörgögn.

23. gr. Kjörstjórn skal láta út búa kjörseðla úr haldgóðum ógegnsæjum pappír og í sérstökum lit fyrir hverja umferð fyrir sig.

Heimilt er að viðhafa kosningu rafrænt ef því verður við komið.

VII. kafli.

Atkvæðagreiðsla á kjörfundi - kjördeildir.

24. gr. Kjörstjórn getur ákveðið, að kosið sé í fleiri en einni kjördeild, ef þurfa þykir.

25. gr. Kjósa skal um efsta eða efstu sætin í samræmi við ákvörðun kjördæmaþings á framboðslistann.

Skal kosið um hvert sæti sérstaklega, þ.e. fyrst er kosið milli þeirra sem hafa gefið kost á sér í 1. sæti. Fáir enginn frambjóðandi einfaldan meirihluta gildra atkvæða skal kosið á ný milli þeirra tveggja sem flest atkvæði hlutu. Telst sá kjörinn sem hlýtur fleiri atkvæði í síðari umferðinni. Þegar úrslit liggja fyrir um 1. sætið skal kosið á sama hátt um 2. sætið og svo framvegis þar til kosið hefur verið í sætin í samræmi við ákvörðun kjördæmaþings.

26. gr. Skrifa skal fullt nafn á kjörseðilinn eða þannig að með afgerandi hætti komi fram við hvern er átt.

Atkvæðagreiðslu má slíta ef allir þeir sem eru á kjörskrá hafa greitt atkvæði og ef öll kjörstjórnin og umboðsmenn eru sammála um það.

27. gr. Kosning skal vera leynileg.

28. gr. Kjósendur skulu framvísa persónuskilríkjum þegar kosið er.

29. gr. Í upphafi kosningar um hvert sæti fær hver frambjóðandi ræðutíma í 5 mínútur til þess að kynna sig og stefnumál sín.

Eftir að úrslit um hvert sæti hafa verið kynnt geta frambjóðendur sem ekki náðu kjöri í viðkomandi sæti gefið kost á sér í næsta sæti listans með ræðu í 1 mínútu.

Milli umferða skal frambjóðandi eiga rétt á að draga framboð sitt til baka með ræðu í 1 mínútu.

30. gr. Vinnu starfsmanna í kjördeild er lokið þegar þeir hafa skilað kjörgögnum af sér til kjörstjórnar og kjörstjórn staðfest rétt uppgjör.

31. gr. Tvöfalt kjördæmaþing skal uppfylla skilyrði um aðgengi fyrir alla.

VIII. kafli.

Atkvæðatalning og kosningaúrslit.

32. gr. Kjörstjórn annast talningu atkvæða á fyrirfram ákveðnum stað og stund.

33. gr. Umboðsmönnum frambjóðenda er heimilt að vera viðstaddir talninguna.

34. gr. Vinnu starfsmanna í talningu er lokið þegar kjörstjórn hefur staðfest úrslit og uppgjör.

35. gr. Sá sem er viðstaddur talningu getur ekki yfirgefið hana fyrr en talningu er lokið og úrslit tilkynnt.

36. gr. Ekki skulu vera fleiri en þrír af sama kyni í 5 efstu sætum framboðslistans.

IX. kafli.

Kosningum frestað.

37. gr. Kjörstjórn er heimilt að fresta tvöfalda kjördæmaþinginu ef veður eða náttúruhamfarir hamla.

X. kafli.

Óleyfilegur kosningaráróður.

38. gr. Allur áróður frambjóðenda á kjörstað er bannaður samanber ákvæði laga um kosningar og sem tilgreindar eru í erindisbréfi kjörstjórnar.

XI. kafli.

Kosningakærur.

39. gr. Komi fram ágreiningur um framkvæmd eða tilhögun tvöfalda kjördæmaþingsins skal gera það skriflega til kjörstjórnar. Úrskurði kjörstjórnar má skjóta til laganeðndar Framsóknarflokksins og fara þau eins og lög Framsóknarflokksins kveða á um.

XII. kafli.

Eyðing kjörgagna.

40. gr. Eyða skal öllum kjörgögnum strax að loknu kjördæmaþingi.

XIII. kafli.

Kostnaður.

41. gr. Hámarks útlagður kostnaður hvers frambjóðanda vegna tvöfalda kjördæmaþingsins má ekki fara umfram kostnaðartölu sem landsstjórn Framsóknarflokksins telur hæfilega, s.s. vegna auglýsinga frambjóðenda í ljósvakamiðlum, prentmiðlum og vefmiðlum.

Frambjóðendum ber að skila til skrifstofu Framsóknarflokksins fjárhagslegu uppgjöri innan 30 daga að loknu tvöföldu kjördæmaþingi. Skrifstofa Framsóknarflokksins skal skila uppgjörinu inn til Ríkisendurskoðunar.

42. gr. Í einu og öllu skal farið eftir lögum um fjármál stjórnsmálaflokka nr. 162/2006.

XIV. kafli.

Framboðslistinn.

43. gr. Kjörstjórn gerir tillögu um skipan framboðslistans í heild að öðru leyti til stjórnar kjördæmasambandsins sem leggur hann fyrir auka kjördæmaþing.

44. gr. Heimilt er að halda auka kjördæmaþing strax að loknu tvöföldu kjördæmaþingi enda hefur verið boðað til þess í samræmi við gildandi reglur.